



SLUŽBENE NOVINE

KANTONA SARAJEVO

Godina XXV - Broj 40

Četvrtak, 8. 10. 2020. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu čl. 12. stav (1) tačka b) i 18. stav (1) tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04, 6/13 i 31/17) Skupština Kantona Sarajevo, na sjednici održanoj dana 05.10.2020. godine, donijela je

ZAKON

O IZMJENI I DOPUNAMA ZAKONA O VISOKOM OBRAZOVANJU

Član 1.

(Dopune člana 48.)

U Zakonu o visokom obrazovanju ("Službene novine Kantona Sarajevo", br. 33/17 i 35/20) u članu 48. iza stava (6) dodaju se novi st. (7), (8) i (9) koji glase:

- "(7) Senat visokoškolske ustanove može donijeti odluku kojom se u septembarskom ispitnom roku u studijskoj 2019/2020. godine, osim ispitnih termina iz stava (6) ovog člana, odobrava dodatni ispitni termin koji se realizuje do početka studijske 2020/2021. godine.
- (8) U ispitnom terminu iz stava (7) ovog člana studenti na osnovu odluke senata visokoškolske ustanove mogu polagati ispite i iz nastavnih predmeta za koje iz objektivnih razloga nije mogao biti organizovan i proveden junsko-julski ispitni rok.
- (9) Ispiti iz st (7) i (8) ovog člana mogu se realizovati u onlinu režimu ili u prostorijama organizacione jedinice uz poštivanje epidemoloških mjera."
- Dosadašnji st. (7) i (8) postaju st. (10) i (11).

Član 2.

(Dopuna člana 53.)

U članu 53. dodaje se novi st. (5) i (6) koji glase:

- "(5) U studijskoj 2020/2021. godini visokoškolska ustanova može organizovati i realizovati nastavni proces kao i provođenje ispita za vanredne studente i studente koji studiraju učenjem na daljinu (DL-studij) na način utvrđen statutom.
- (6) U specifičnim okolnostima kada nije moguća nastava u prostorijama visokoškolske ustanove i isključivo po odobrenju Vlade Kantona Sarajevo, dozvoljeno je organizirati nastavu po modelu iz stava (5) ovog člana i za redovni studij."

Član 3.

(Dopuna člana 66.)

U članu 66. dodaje se novi stav (6) koji glasi:

- "(6) Izuzetno od primjene stava (1) ovog člana, student u postupku upisa studijske 2020/2021. godine ima pravo upisati narednu godinu studija i bez ispunjavanja svih ili pojedinih uslova propisanih ovim zakonom i aktima visokoškolske ustanove za upis naredne godine studija, o čemu odluku donosi senat visokoškolske ustanove."

Član 4.

(Izmjena člana 97.)

U članu 97. stav (1) mijenja se i glasi:

- "(1) Uslovi za izbor u umjetničko-nastavna zvanja u koja se bira akademsko osoblje na nastavnim programima na Univerzitetu ako je za nastavni predmet od naročito značajna, umjetnički kriterij su:
- asistent: završen stepen prvog ciklusa studija, s najmanje 240 ECTS bodova ili VII stepen po predbolonjskom sistemu studija i najmanjom prosječnom ocjenom 8 ili 3,5;
 - viši asistent: završen stepen drugog ciklusa studija ili VII stepen po predbolonjskom sistemu studija odnosno stepen prvog ciklusa i jedan javno predstavljeno oblik umjetničkog stvaralaštva, proveden jedan izborni period u zvanju asistenta;
 - docent: završen drugi ciklus studija ili VII stepen po predbolonjskom sistemu studija, dva javno predstavljena oblika umjetničkog stvaralaštva i pokazani rezultati u nastavnom radu;
 - vanredni profesor: završen drugi ciklus studija ili VII stepen po predbolonjskom sistemu studija, proveden najmanje jedan izborni period u zvanju docenta, tri javno predstavljena oblika umjetničkog stvaralaštva, priznanja za uspješno djelovanje u odgovarajućoj oblasti umjetnosti i pokazani rezultati u nastavnom radu;
 - redovni profesor: završen drugi ciklus studija ili VII stepen po predbolonjskom načinu studiranja, proveden najmanje jedan izborni period u zvanju vanrednog profesora, tri javno predstavljena oblika umjetničkog stvaralaštva koji su značajno doprinijeli razvoju kulture i

umjetnosti i doprinos podizanju nastavnog i umjetničkog kadra."

Član 5.

(Dopuna člana 165.)

U članu 165. dodaje se novi stav (8) koji glasi:

"(8) Student koji finansira svoj studij ima pravo u studijskoj 2020/2021. godini uplatu školarine izvršiti u tri rate u rokovima koje svojom odlukom utvrdi Ministarstvo uz prethodno pribavljeno mišljenje Ministarstva finansija Kantona Sarajevo".

Član 6.

(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-38428/20

Predsjedavajući

05. oktobra 2020. godine

Skupštine Kantona Sarajevo

Sarajevo

Dr. Mirza Čelik, s. r.

Na osnovu čl. 12. stav (1) tačka b) i 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 14/01, 28/04, 6/13 i 31/17), Skupština Kantona Sarajevo, na sjednici održanoj dana 28.09.2020., donijela je

**ZAKON
O IZMJENAMA I DOPUNAMA ZAKONA O
OBRAZOVANJU ODRASLIH**

Član 1.

(Izmjena člana 8.)

U Zakonu o obrazovanju odraslih ("Službene novine Kantona Sarajevo", broj 40/15) član 8. mijenja se i glasi:

"Član 8.

(Oblici obrazovanja odraslih)

Obrazovanje odraslih se odvija kroz sljedeće oblike:

- (a) formalno i neformalno obrazovanje;
- (b) informalno i samousmjereno učenje."

Član 2.

(Izmjene člana 9.)

(1) U članu 9. u stavu (1) umjesto pogrešno napisane riječi "Kantna", pravilno pisati riječ: "Kantona".

(2) St. (2) i (4) mijenjaju se i glase:

- "(2) Programi formalnog obrazovanja obuhvataju:
 - a) programe za sticanje osnovnog obrazovanja;
 - b) programe za sticanje srednjeg obrazovanja izuzev gimnazije;
 - c) programe dokvalifikacije;
 - d) programe prekvalifikacije.

(4) Formalni programi obrazovanja odraslih za sticanje srednje stručne spreme (za III i IV stepen, izuzev gimnazije) se izvode u javnim ustanovama za odgoj i obrazovanje u sistemu redovnog/formalnog obrazovanja".

(3) Iza stava (4) dodaju se novi st. (5) i (6), koji glase:

"(5) Programi prekvalifikacije i dokvalifikacije kao dio formalnog obrazovanja, se izvode u ustanovama i drugim obrazovnim institucijama koje su upisane u registar organizatora obrazovanja odraslih u Ministarstvu i koje su upisane u registar pravnih lica kod nadležnog suda".

(6) Izuzetno od odredbi stava (4) ovog člana program formalnog obrazovanja odraslih za sticanje srednje stručne spreme (za III i IV stepen, izuzev gimnazije), privatni organizatori obrazovanja odraslih iz člana 13. ovog zakona koji su upisani u Registar organizatora obrazovanja odraslih u Ministarstvu, od dana stupanja na snagu ovog zakona mogu realizirati obrazovne programe za dvije generacije polaznika".

Član 3.

(Izmjene člana 10.)

(1) U članu 10. stav (3) mijenja se i glasi:

- "(3) Ovi programi, između ostalih, uključuju:
 - a) programe usavršavanja;

b) programe osposobljavanja;

c) programe sticanja ili unapređenja ključnih kompetencija;

d) programe sticanja dodatnih kompetencija u struci;

e) programe zaštite životne i radne sredine;

f) programe edukacije o zdravlju i podizanju kvaliteta života;

g) programe obrazovanja za treću životnu dob;

h) programe obrazovanja s ciljem zadovoljenja specifičnih obrazovnih i kulturnih potreba posebnih društvenih grupa i

i) programe sticanja drugih znanja, vještina i sposobnosti."

(2) St. (6), (7) i (8) mijenjaju se i glase:

"(6) Neformalno obrazovanje, kao javno važeće, organiziraju i realiziraju institucije iz stava (4) ovog člana ukoliko ispunjavaju prostorne, materijalne, kadrovske i druge uvjete propisane ovim zakonom.

(7) Vrijeme organizovanja javno važećeg neformalnog obrazovanja u toku godine utvrđuje se godišnjim programom rada pravnog subjekta za obrazovanje odraslih (u daljem tekstu: Organizator obrazovanja odraslih), koji provodi neformalno obrazovanje.

(8) Neformalno obrazovanje odraslih koje nema status javno važećeg obrazovanja mogu provoditi i ostali pravni subjekti u skladu s odredbama ovog zakona i ne podliježu obavezi institucionalne i programske akreditacije."

Član 4.

(Dopune člana 18.)

(1) U članu 18. u stavu (3) iza riječi: "za period od najmanje pet godina" dodaju se riječi:

"što podrazumijeva vremenski period trajanja najmanje jednog ciklusa obrazovanja, odnosno realiziranja obrazovnih programa za dvije generacije polaznika".

(2) Iza stava (3) dodaju se novi st. (4) i (5) koji glase:

"(4) Garancije iz stava (3) ovog člana mogu se dati i kao hipoteka nad nekretninom u vlasništvu podnositelja zahtjeva u korist Kantona Sarajevo. Ukoliko je podnosilac zahtjeva javna ustanova, garancija iz stava (3) ovog člana se ne dostavlja.

(5) Iznos garancije iz stava (3) ovog člana utvrđuje se tako što se pomnože cijena obrazovanja, broj polaznika i broj godina obrazovanja naznačenih u programima obrazovanja odraslih. Ukoliko se garancija daje kao hipoteka, vrijednost nekretnine mora biti minimalno dvostruko veća od iznosa propisane garancije."

(3) Dosadašnji st. (4), (5) i (6) postaju st. (6), (7) i (8).

Član 5.

(Dopuna člana 20.)

U članu 20. u stavu (2) iza riječi: "obavezno sadrži opis poslova i zadataka," dodaju se riječi: "što uključuje poslove iz člana 23. stav (3)".

Član 6.

(Izmjena člana 21.)

U članu 21. u stavu (5) riječi: "jedna trećina članova", zamjenjuju se riječima: "jedan član".

Član 7.

(Izmjena člana 22.)

U članu 22. u stavu (1) u zadnjem redu, umjesto pogrešno napisane riječi: "obarazovanja", pravilno pisati riječ: "obrazovanja".

Član 8.

(Izmjena člana 23.)

U članu 23. u stavu (3) iza riječi: "upis u Registar vrši komisija" dodaju se riječi: " iz člana 20. ovog zakona".

Član 9.

(Dopuna člana 25.)

U članu 25. iza stava (2) dodaje se novi stav (3) koji glasi:

- "(3) U cilju ispunjavanja obaveza Bosne i Hercegovine u pogledu međunarodnog izvještavanja o stanju obrazovanja